

## Referat frå møte Koordineringsrådet

**Møtetid:** 12.februar 2019 kl. 10.00 – 14.00

**Stad:** Florø, festsalen i samfunnshuset

### Deltakarar

Namn	Tittel	Eining	Forfall
Øyvind Bang-Olsen	Rådmann	Naustdal kommune/Sunnfjord	
Arve Varden	Administrerende direktør	Helse Førde	x
Børge Tvedt	Klinikkdirektør PHV	Helse Førde HF	
Arne Johansen	Kommunalsjef	Lærdal kommune/ Sogn	x
Anne Kristin Kleiven	Utviklingsdirektør	Helse Førde HF	
Tone Holvik	Samhandlingssjef/ stadleg leiar	Helse Førde HF	x
Olav Hesjedal	Klinikkdirektør MED	Helse Førde HF	
Tom Guldhav	Klinikkdirektør KIR	Helse Førde HF	
Håkon Loftheim	Rådmann	Askvoll kommune/ HAFS	x
Rune Larsen	Kst. Fagdirektør	Helse Førde HF/ Fagrådet	
Tom Joensen	Rådmann	Bremanger kommune/Nordfjord	
Jan Helge Dale	Kommuneoverlege	Flora kommune/Fagrådet	
Elin Sørbotten	Samhandlingskoordinator	Interkommunal samhandlingskoordinator	
Audun Nedrebø	Leiar Brukarutvalet	Felles Brukarutval Sogn og Fjordane	
Lisbeth Johnsen	Nestleiar Brukarutvalet	Felles Brukarutval Sogn og Fjordane	
<b>Observatørar:</b>			
Linda Svori	Assisterande fylkeslege	Fylkesmannen i Sogn og Fjordane	x
Sjur Lehmann	Assisterande fylkeslege spesialisthelsetenesta	Fylkesmannen Vestland	
Clara Øberg	Direktør for tannhelsetenesta	Sogn og Fjordane Fylkeskommune	x
Frøde Kyrkjebø	Dagleg leiar	KS Sogn og Fjordane	x

Sak nr.	Agenda:	
1/19	Velkommen, godkjenning av innkalling og sakliste	Øyvind Bang Olsen, leiar koordineringsrådet, rådmann Naustdal kommune
2/19	Godkjenning av referat frå møte 01.11.2018	
3/19	Organisering av det nye fylkesmannsembetet i Vestland. Generelt om framtida når det gjeld tilsyn. Vidare samarbeid	Sjur Lehmann, ass. fylkeslege spesialisthelsetenester Linda Svori, ass. fylkeslege kommunehelsetenester
4/19	Årsmelding frå brukarutvalet 2018	Audun Nedrebø, leiar av felles brukarutval i Sogn og Fjordane
5/19	Løypemelding prehospital plan	Tom Guldhav, klinikkdirektør Helse Førde
6/19	Involvering og honorering av legar i prosjektarbeid mellom spesialisthelsetenesta og kommunar, samt for interkommunalt arbeid	Børge Tvedt, klinikkdirektør Helse Førde
7/19	Løypemelding legevaktspilot i Sogn og Fjordane	Øystein Furnes, legevaktsjef SYS-IKL
8/19	Prosess for endring av avtalar for nye kommunar (kommunane i dag sitt ansvar)	Børge Tvedt, klinikkdirektør Helse Førde
9/19	Møteplassen – fagnettverk innan habilitering og rehabilitering (evaluering i tråd med delavtale)	Maria Ljungløf, spesialfysioterapeut Helse Førde
10/19	Statusmelding innføring av pakkeforløp psykisk helse og rus	Børge Tvedt, klinikkdirektør Helse Førde
11/19	Kommunerepresentant til juryen for kvalitetsprisen i Helse Førde	Elin-Therese Sørbotten, samhandlingskoordinator

Sak nr.	Referat
1/19	Leiar koordineringsrådet og rådmann i Naustdal kommune Øyvind Bang Olsen ynskte velkommen - innkalling og sakliste godkjend. Ettermeld sak 12/2019 vart godkjend.
2/19	Referat frå møte 01.11.2018 godkjend utan merknad.
3/19	<p>Sjur Lehmann, ass. fylkeslege spesialisthelsetenester presenterte organisering av fylkesmann Vestland. I korte trekk; <i>«Ein avdeling og eitt embete, med tre seksjonar fordelt på to kontorstadar. Oppgåver frå direktorat og tilsyn som skal dekke eit stort arbeidsfelt med over 50 kommunar og tre helseforetak, samt fleire store private verksemder.»</i></p> <p>Lehmann var generell i skildringa av korleis den nye fylkesmann ville tilnærme seg eventuelle framtidige klage- og tilsynssaker. Litt diskusjon og erfaringsutveksling undervegs, der rådsmedlemmane peika på at fylkesmannen i Sogn og Fjordane har hatt ein støttande og rådgjevande funksjon. I dialogen om vidare samarbeid var ein innom folkehelseperspektivet, noko som er eit uavklara tema i den nye organisasjonen. Her vert det lagt opp til at dei ulike seksjonane jobbar på tvers...</p> <p>Det vil bli endring i arbeidsform iht fylkesmannen sin representasjon i koordineringsrådet, men ein vil framleis delta i saker på oppfordring. Her vart det peika på suksessfaktoren iht samhandlingskulturen mellom dei ulike nivåa i Sogn og Fjordane noko også HOD vektlegg tydeleg. Koordineringsrådet meiner at samarbeidsmodellar må utviklast, og uttrykkjer frykt for at Bergensregionen får størst merksemd i det nye fylket. Utover samhandling vart det peika på beste praksis, lærande tilsyn og kvalitetsforbetring som har hatt stor verdi i tenesteutviklinga på tvers av nivåa. Dersom denne innarbeidde tradisjonen ikkje vert vidareført i ei eller anna form, vil det vere sårbart for samhandlingspartane i «gamlefylket». Koordineringsrådet meiner at vi har mykje å vere stolte over – og ynskjer å invitere fylkesmannen i Vestland til dette samarbeidet! Læringsnettverk – kvalitetskonferanse og tenesteutvikling - erfaringskonferanse – samhandlingskonferanse – svært lærerike, og desse strukturane bør vere interessante i framhaldet! Lehmann signaliserer at han vil ta desse punkta med vidare, og det vert oppfatta ei opning for at koordineringsrådet er velkomne til å invitere til vidare samarbeid med nye Vestland. Lehmann sitt telefonnummer er 45 24 58 35. Neste møte i koordineringsrådet er 8.mai, då må det utformast plan for septembermøtet der fylkesmannsambetet som vert invitert.</p>
4/19	Audun Nedrebø, leiar av felles brukarutval i Sogn og Fjordane presenterte kort aktivitet og årsmelding 2018 frå felles brukarutval i Sogn og Fjordane. Melding var utsend til til deltakarane på førehand. Utvalsleiarane vart oppfordra til å avklare samhandlingsfeltet med det nyetablerte ungdomsrådet samt eventuelt kommunale brukarutval.
5/19	I si løypemelding for prehospital plan presenterte Tom Guldhav framdriftsplan og metodikk for simuleringsmodell. Sjå eigen presentasjon. Planen skal sendast på høyring i april.
6/19	<p>I saka om involvering og honorering av legar i prosjektarbeid mellom spesialisthelsetenesta og kommunar, samt for interkommunalt arbeid - slutta koordineringsrådet seg til innstillinga frå Fagrådet. Her vert det vektlagt at ein må sikre avklaringar i forkant av prosjektoppstart.</p> <p><b>Vedtak:</b></p> <p>Prosjekt som hovudsakleg er i HFD sin regi skal betalast av helseføretaket. I konkrete samhandlingsprosjekt må økonomisk fordeling avklarast mellom partane, her forstått som Helse Førde og den einskilde kommune. I tråd med gjeldande rutine er utgangspunktet at den som signerer avtalen også har ansvar for honorering.</p> <p>Aktuelle rutiner må gjerast kjend i organisasjonane.</p>
7/19	<p>Gry Elise Albrektsen prosjektleiar for legevaktspilot i Sogn og Fjordane orienterte og synte til gjeldande hovudmål for pilotarbeidet;</p> <ul style="list-style-type: none"> <li>• <i>Etablere tilbud for legevakt nærmere befolkning</i></li> </ul>

	<ul style="list-style-type: none"> <li>• <i>Teste ut telemedisinsk utstyr</i></li> <li>• <i>Teste ut sentralisert bakvaksordning uten utrykning</i></li> </ul> <p><i>Prosjektet tek sikte på å ha 3 operative satelitter, samt bakvakt i system på plass i løpet av året.</i></p> <p>Koordineringsrådet tok orienteringa til vitande. Presentasjonen og oversiktsdokument fylgjer referatet.</p>
8/19	<p>Børge Tvedt orienterte om prosess for endring av avtalar for nye kommunar. Dette gjeld rammeavtaler, delavtaler og særavtaler. Koordineringsrådet sluttar seg til forslag til vedtak, og rår til at følgjande tekst vert nytta i høve samanslåing av kommunar: «Frå 01.01.20 overtek XX kommune ansvaret etter rammeavtale, delavtaler og særavtaler for yy kommune, zz kommune ..... overfor Helse Førde.» Avtalane blir gjort gjeldande frå og med 01.01.2020.</p> <p>Rådsmedlemmane drøfta mogeleg forenkling av avtaler. Her vart det peika på at ei eventuell forenkling på struktur må sikre vidareføring av nødvendige detaljar i avtaleteksten. Samhandlings-sjefen i HFD og –interkommunal samhandlingskoordinator drøftar tilnærming til prosessen og eventuelt førebur slik sak til eit seinare møte.</p>
9/19	<p>I tråd med gjeldande delavtale skal Møteplassen – fagnettverk innan habilitering og rehabilitering evaluerast årleg, og informasjonen skal rapporterast til Koordineringsrådet. Evalueringa vart presentert av rådgjevar i koordinerande eining HFD, Maria Ljungløf.</p> <p>Evalueringa vart gjort av 70 deltakarar frå 24 kommunar.</p> <p>Litt erfaringsutveksling der det vart uttrykt semje om nødvendigheita av vidare fokus på habilitering og rehabilitering. Kommunane gjer tilpasningar til ei samordning av desse fagområda – ny nasjonal veileidar der leiarforankring vert vektlagt, og denne gjeld både for kommune og helseføretak.</p> <p>Habilitering og rehabilitering er vesentleg i alle pasientforløp, og eit innspel er at strukturane innanfor fagområdet kanskje er modne for fornying både i kommunane og helseføretaket.</p> <p>Koordineringsrådet tok informasjonen til vitande, og oppfordra ansvarlege i helseføretaket om å sikre samarbeidsavtale om møteplassen.</p>
10/19	<p>Børge Tvedt presenterte statusmelding i innføringa av pakkeforløp psykisk helse og rus, der det er sett fylgjande mål;</p> <p><i>Økt brukermedvirkning og brukertilfredshet</i></p> <p><i>Sammenhengende og koordinerte pasientforløp</i></p> <p><i>Unngå unødige ventetid for utredning, behandling og oppfølging</i></p> <p><i>Likeverdig tilbud til pasienter og pårørende</i></p> <p><i>Bedre ivaretagelse av somatisk helse og gode levevaner</i></p> <p>Koordineringsrådet tok orienteringa til vitande, og ynskjer at det vert lagt til rette for ei evaluering av pakkeforløpet saman med utskrivingsklare pasientar. Dette vert eventuelt førebudd til eit seinare møte i koordineringsrådet og eventuelt som aktuell sak til samhandlingskonferansen neste år.</p>
11/19	<p>Samhandlingskoordinator Elin-Therese Sørbotten orienterte om at kommunalsjef Jeanett Jensen frå Vågsøy er oppnemnd som kommunerepresentant til juryen for kvalitetsprisen i Helse Førde. Koordineringsrådet tek dette til vitande.</p>
12/19	<p>Børge Tvedt gjorde greie for arbeidet med tilpasning av delavtaler mellom kommunane og Helse Førde. Denne gjeld innføring av betalingsplikt for ferdigbehandla pasientar innlagt i helseinstitusjon i spesialisthelsetenesta for psykisk helsevern og rus. Tvedt synte til tilråding frå arbeidsgruppa som koordineringsrådet etablerte desember 2018: <i>Dagens delavtale «Tilvising og innlegging i sjukehus. Utskriving frå sjukehus» er slik formulert at det ikkje er naudsynt å gjere endringar i den for at den også skal gjelde pasientar i psykisk helseteneste og rusbehandling.</i> Koordineringsrådet slutta seg til denne formuleringa.</p> <p><b>Vidare saksgang:</b></p> <p>Saka er ferdig handsama i koordineringsrådet og det må gå informasjon ut til partane. Kommunane må sørge for å få implementert avtalen.</p>